

30 - ماعلى الأرض زينة | أسرار الكهف | رمضان ٢٤٤١ هـ

محمد حسين يعقوب

بسم الله الرحمن الرحيم. هنا المدرسة الربانية كتلة قلوب تحكمها قيم السلام عليكم ورحمة الله وبركاته اعوذ بالله من الشيطان الرجيم. بسم الله الرحمن الرحيم الحمد لله رب العالمين. والصلاة والسلام على اشرف المرسلين - [00:00:00](#)

سيدنا محمد وعلى اله وصحبه اجمعين. اما بعد فاخوتي في الله والذي فلق الحبة وبرأ النسمة اني احبكم في الله واسأل الله جل جلاله ان يجمعنا بهذا الحب في ظل عرشه يوم لا ظل الا ظله - [00:00:36](#)

وما جعل عملنا كله صالحا واجعله لوجهك خالصا. ولا تجعل فيه لحد غيرك شيئا احبتي في الله كيف حالكم مع الله وكيف حال قلوبكم مع القرآن ايها الاخوة القرآن دواء القلوب - [00:00:53](#)

دواء القلوب قال تعالى ونزل من القرآن ما هو شفاء قال سبحانه وتعالى بل هو للذين امنوا هدى وشفاء والذين لا يؤمنون في اذانهم وقر وهو عليهم عمى القرآن عزيز قال تعالى وانه لكتاب عزيز - [00:01:19](#)

لا يأتيه الباطل من بين يديه ولا من خلفه تنزيل من حكيم حميد هذا الكتاب العزيز يعمل العاملين يزيد المؤمنين نورا وهدى ويزيد الظالمين والكافرين ضلالا القرآن دواء انا عايزك - [00:01:53](#)

ينزل القرآن على قلبك دوا خد سر جديد من اسرار الكهف بعد قول الله سبحانه وتعالى فلعلك باخع نفسك على اثارهم ان لم يؤمنوا بهذا الحديث اسفا ربنا يقول لسيدنا النبي صلى الله عليه واله وصحبه وسلم - [00:02:24](#)

لا تهلك نفسك من اجلهم الاثاري بس السر هنا ايه ان سيدنا النبي صلى الله عليه وسلم حامل اهم الناس عارف الاية آآ لما سيدنا النبي صلى الله عليه وسلم قال لعبدالله بن مسعود - [00:02:51](#)

اقرأ علي القرآن ولا اقرأه عليك انزل. قال نعم اني احب ان اسمعه من غيري قال فقرأت عليه حتى بلغت قوله سبحانه وتعالى فكيف اذا جئنا من كل امة بشهيد - [00:03:15](#)

وجئنا بك على هؤلاء شهيدا فالتفت فاذا عينيه تذرفان انا اذن ان سيدنا النبي صلى الله عليه وسلم بكى بسبب الاية اللي بعدها الاية اللي بعدها. الاية اللي بعدها ايه - [00:03:34](#)

يومئذ يود الذين كفروا وعصوا الرسول لو تسوى بهم الارض ولا يكتُمون الله حديثا الرسول صلى الله عليه وسلم صعب ان عليه اللي عاصوه وهيرجعوا يندموا يوم القيامة ولا يكتُبون الله حديثا. هيقولوا يا ليتنا اطعنا الله واطعنا الرسول - [00:03:55](#)

حمل هم الامة ده ميراث وراثته عن سيدنا النبي سيدنا النبي صلى الله عليه وسلم وراثتنا هذا هذا الهم لما نيجي نقول الحجاب والمرأة واحد يقول لي وانت ما لك انت - [00:04:23](#)

ما تسبب اللي تحجب بتتحجب وما تتحجبش ما تتحجبش قل له لأ انا مش عايزها تدخل النار. وانت مالك ما تسببها تدخل النار. لأ انا كل همي ان انا اساعدها انها تنجو من النار - [00:04:48](#)

اعلمها ادلها اوجهها انها تنجو من النار ده النبي كان كده قال ايه؟ صلى الله عليه وسلم فانا اخذ بحجزكم عن النار وانتم تغلبوني وتتقحمون فيها عارف يعني ايه اخذ بحجزكم - [00:05:07](#)

حجز اللي هي موضع الوسط هنا. الرسول بيقول حاضنكم كده ابوسكم كده من وسطكم عشان ما تجروش على النار مسككم من وسطكم بشد فيكم صل عليه صلى الله عليه وسلم - [00:05:30](#)

فهي دي لعلك باخ نفسك على اثارهم ان الحرص على هداية الناس فلعلك باخ نفسك على اثارهم ان لم يؤمنوا بهذا الحديث اسفا انا

جعلنا ما على الارض زينة لها - 00:05:48

لينا بلوه هم ايهم احسن عملا هذه الاية فهم الحياة فهم الدنيا الانسان آآ ربنا سبحانه وتعالى خلقه في هذه الدنيا وخلق له ما في الارض جميعا لما ربنا سبحانه وتعالى - 00:06:13

انزل سيدنا ادم الى الارض خلق له الارض وخلق له ما فيها سبحانه وتعالى خلق الارض وجعل فيها اقواتها اكله وشربه في الارض خلاء له الهوى اللي مناسب لتنفسه اللي يتنفسوا - 00:06:45

خلاله آآ الدواب اللي تساعد ويخلق ما لا تعلمون هو الذي خلق لكم ما في الارض جميعا ربنا خلق كل شيء ليناسب حياة الانسان ليساعد الانسان على ان يعبد الله - 00:07:15

هو ده السر السر في ان ربنا سخر كل شيء للانسان سبحان الله ربنا سبحانه وتعالى سخر الدواب للانسان الجمل والبقرة والغنم والطيور والدواب لأ لأ عارف اقول لك حاجة وما تدحكش علي - 00:07:42

لما بقعد قدام الكمبيوتر قل لي هو انت بترد على الكمبيوتر؟ ايوة احيانا صن تايمز كده الكمبيوتر بقول سبحان الذي سخر لنا هذا بدا لي من فترة ان انا اقرأ شيء عن الفلسفة - 00:08:20

وكتبت في البس وطلبت ونزلت الاف الصفحات مؤلفات القديم والجديد والكثير والبعيد والقريب والباطل والحق ايه ايه كل ده! مين اللي حط كل ده وقلت فعلا سبحان الذي سخر لنا هذا - 00:08:44

مين اللي وفق عقل انسان مين اللي وفق عليك الانسان ان هو يخترع الكمبيوتر يخترع النت يخترع المواقع يخترع الكمبيوتر نفسه اللي بيكتب عليه يخترع حاجة تستوعب الاف الميجا دي - 00:09:07

سبحان الله العظيم خلي بالك بقى ربنا قال لنا السر هنا هو قال ايه انا جعلنا ما على الارض زينة لها كمل السراهم ايهم احسن عملا يبقى كل اللي على ظهر الارض ده - 00:09:34

زينة منظر شيء مش اصلي مزين زين للناس حب الشهوات الانبهار بالتكنولوجيا الغربية زينة ده زينة تليفون بامكانياته واللابتوب والايپاد والبي سي الكمبيوتر النت والفيس عد بقى كل ده زينة - 00:10:09

زينة النساء والفلوس فيلات والقصور والمناصب زينة كل دي شكليات مظاهر حلوة مزركشة مش زينا مش زوقة زينة انا جعلنا ما على الارض. كل اللي على وجه الارض زينة ليه - 00:10:54

دينا بلوة هم ايهم احسن عملا في الزمن اللي ربنا سبحانه وتعالى اداك فيه تليفون مش عشان تقعد على التليفون ليل ونهار تكتب وتبتع وتستهبّل ده سهل لك عليه المصحف - 00:11:29

انك في اي لحزة من لحزات حياتك تقدر تسمع المصحف وتقدر تقرا المصحف وتقدر تحفز المصحف وتقدر تقرا تفسير المصحف وتقدر تفهم شرح المصحف بمنتهى السهولة التليفون ده زينة مراد الله منه - 00:11:52

ليبلوكم ايكم احسن عملا من العمل حسن وسيء واحسن الله يريد منك الاحسن انا جعلنا ما على الارض زينة لها هو ده فهم الحياة انك تفهم ان كل اللي قدامك ده - 00:12:23

كل اللي انت شايفه في الدنيا ده زينة منظر مش حقيقي مش اصلي الاصل هناك في الجنة ده مجرد فتنة ليه لنبلوهم اختبار ونبلوكم بالشر والخير فتنة والينا ترجعون يبقى لازم تفهم كده - 00:12:58

فهم الحياة سر الحياة ان كل اللي في الدنيا ده ابتلاء اختبار انت هنا في الدنيا دي امتحان القصة اللي بنقولها كثير ان واحد قالوا له هتدخل المكان ده في كنوز - 00:13:35

كل اليواقيت والجواهر والذهب كل حاجة كل اللي بتحلّم به خد اكبر عربية تريلة وادخل حمل واخرج. بس مسموح لك دقيقتين ونص دخل هو بالعربية بس سيبوني انا بس وانا هتصرف - 00:14:02

دخل بالعربية لقي فيلا جميلة كده قال يا سلام لو هاخذ الفيلا دي رافع عينه كده لقي واحدة باصة من البلكونة قال والعروسة دي بص تحت لقي عربية جميلة قال ايوة - 00:14:25

تمت والعربية دي راحوا جايبيه من قفاه اطلع الدقيقتين ونص خلصوا اهو ده بالزبط مثل الدنيا ستين سنة يمسلوا دقيقتين ونص

بالنسبة ليوم قيامة اللي هو خمسين الف سنة دقيقتين ونص - [00:14:44](#)

الدنيا مليانة كنوز لا حول ولا قوة الا بالله كنز من تحت العرش الدنيا مليانة كنوز ربنا ارسله يجيب الكنوز دي ويروح للآخرة هو دخل

بدأ يتفرج النسوان وعلى العربيات وعلى الامارات وعلى الفيلات وعلى الفلوس وعلى المناصب خلص عمره - [00:15:07](#)

ومات وقابل ربنا وهو ما جابش حاجة من كنوز الدنيا للآخرة ان جعلنا ما على الارض زينة لها السر لنبلوهم ايهم احسن عملا يا ترى

احسن عملا دي عملت ايه - [00:15:35](#)

احبكم في الله والسلام عليكم ورحمة الله بسم الله الرحمن الرحيم. هنا المدرسة الربانية كتلة قلوب تحكمها قيم - [00:16:05](#)